



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illustrissimi Domini Simonis De Fierlant, Hispaniarum Ac
Indiarum Catholico Regi, In Hispania Ac Belgio, A Concilio
Status, Brabantiae Cancellarii, Catholico Ab Affectu
Tractatus, Quo, Clarissime ...**

Fierlant, Simon de

Coloniae Agrippinae

Litteræ Conscriptæ ab Ill[ustrissi]mo D[omi]no Simone De Fierlant
Brabantiae Cancellario, &c. ad Ill[ustrissi]mum Dominum Abbatem De S.
Maria, Apostolicum in Belgio Internuntium, è Comitibus Tanari, ...

urn:nbn:de:hbz:466:1-37059

LITTERÆ CONSCRIPTÆ

ab Ill^{mo} D^{no} SIMONE DE FIERLANT
Brabantia Cancellario, &c. ad Ill^{msm}
Dominum ABBATEM DE S. MARIA,
Apostolicum in Belgio Internuntium,
è Comitibus Tanari, &c.

ILLUSTRISSIME DOMINE,



Antis indies querimoniis, singultibus ac
lacrymis penes me instat, Fida Apostolicæ
Romanæ Sedis subdita gens, amplius ut hæc
gravissimis non nisi cum doloribus audire
vel intueri queam. Quid enim in dolet agit-
que continuus bonæ illius gentis ejulatus? Ecclesiastici
ac secularis Status culmina ad pedes malorum conjici, &
è contra Bajanisimæ Iansenicæque labis congeriem summè
erigi luget, in tantum, ut si breviter serioque, Quiri-
nale fulmen, compaginis hujus astum fastumque non de-
primat, revolventur omnia sursum ac deorsum, & ve-
tusta sacræ Sedis prosternentur documenta. Ad juvamen
itaque ac solamen Illust^{ms} Dⁿⁱ tuæ enixè recurrit, meam
quoque interpellando curam ac indefessam sollicitudinem,
Ill^{ms} tuæ hæc ut Gratia deferam: præsto hoc, debita
cum submissione, animo ac voto lubenti; si enim res illa
ulteriores trahatur in moras ac temporum dilationes,
quid

quid inde ? & vicinorum Hæreticorum accrescet jubilus,
& Catholicorum augebitur luctus mærorque, spectans se
suosque à Bajanis ac Iansenianis in contemptum ac derisum
abripi, ab Hæreticorum contubernali in plurimis doctrina :
Cogor itaque hoc omne ac quodcumque ad vestram prodere
notitiam, Mæcenas Catholicorum ut sis Apostolicum penes
fastigium, & contrariorum rigidum ac immane flagellum.
Quid si fortè meus de Trium-Viratu libellus, ea in parte
utilitatis aut profectus quidpiam adferre capax sit aut va-
lidus; Romæ precor, Ill^{ma} tuæ Gratiæ subeat Patro-
cinium : longa attamen ibidem mora me non parum ex-
cruciat, ac pene desperantem reddit, certum quamvis, me
dicto in Trium-Viratu, aliud planè nil agere vel damnare,
quam quod jam ante, in R^{di} Patris Ægidii Gabriëlis,
Moralis vel Diabolica Doctrina Arcis Quirinalis sacrum
fulmen percussit ac formale dedit in repudium. Vnde si in
Sociis, duobus Trium-Viris, par idemque protinus remeare
procurantibus ac in lucem prodere nitentibus aliquid ago,
quid malè regero ? & quid (Apostolicæ Sedis Decreto
totaliter inhærens) male pertracto ? damnando quod in
primævo Auctore damnavit Romana Curia, serio exacto-
que habito primum quorumcumque scrutinio atque examine.
Vale plurimum dudumque

ILL^{MR} DOMINE,

Et me obsequiosissimum atque humillimum
Ill^{ma} Tuæ Gratiæ Famulum crede ac habe

SIMONEM DE FIERLANT
Brabantia Cancellarium.